

永樂大典

卷一萬三千五百
七

永樂大典卷之一萬三千五百七

二寘

制

兼官制

唐元稹長慶集韓臯吏部尚書趙宗儒兼太常卿制 勅
俗化哉是以選賢與能之柄或礙於胥徒冠婚喪祭之儀不行於卿士
理害故斯執甚焉改而更張我則未暇就為之制其在於選任素重之望
以鎮之乎金紫光祿大夫檢校尚書右僕射韓臯銀青光祿大夫守吏部
尚書趙宗儒等任官臺閣周環大僚或三四朝或五十載新進趨風之士
更至迭處於將相間而臯等精義不渝物務尤勤事朕小子猶吾祖宗肆
予冲人庭實彪炳夫銓鏡萬品不無勅勅蕭韶九成頗延願養更用老舊
以均勞逸至於官業非予敢知祇聽法儀庶用咨稟換保傳之重仍端揆
之榮唯恐不多無以優異臯可檢校尚書右僕射兼吏部尚書宗儒可守
太子少傅兼太常卿事散官勳封如故文鑑除呂蒙正中書侍郎兼戶部
尚書平章事制 天道無私日月星辰助其照皇王不宰股肱輔弼代其

永樂大典卷萬三千五百七

工所以端拱守成垂衣制理求建丕平之景運遐追三代之今猷其有業
茂經綸才推謹厚參大政而已淹星歲重至公而無捨寅春宜頒出綽之
殊恩俾正持衡之重柄爰擇剛日特降命書推忠佐理功臣朝散大夫給
事中參知政事柱國東平郡開國男呂蒙正四氣均和五行鍾秀有濟時
之略輔之以溫恭擬命世之才守之以循默爰觀舜舜之道善遂抑魏闕
以來儀臨軒觀敏贈之能射策見縱橫之略墜茲登用益著謀明公忠推
社稷之臣疑重見廟堂之器眷茲大體爰鬱其瞻宜宣作曠之功克懋東
鈞之績別錫褒功之美號仍陞馭貴之榮階勳藉增榮并田加賦預列侯
之峻爵同大利之計書願優恩之在茲諒名器之無假於戲雲從龍而風
從虎今也其時啓乃心而沃朕心必求諸道爾宜周旋庶政佐佑眇躬
茲宵旰之憂翊我隆平之運同底于道豈不美歟劉後村集陳時除戶部
侍郎兼權刑部尚書制 積多而有餘是天下之大命刑成而不變宜君
子之盡心招徠一代之英賢登拜六卿之長貳其官其有仁者之勇得聖
人之清孤竹風標坐使懦頑之志立戴芝眉宇能令鄙吝之意消衆競為
於爾絲爾勤求於易牧仁聲載路東欲留西欲歸遺愛在人社而搜尸而
祝屬群賢之業進豈宿望之獨遺以小司徒兼太常伯雖予環之已脫然

永樂大典

卷一三五〇七

聽履之益寡。版曹有待於阜通。憲部允資於欽恤。噫。無三年之蓄。非國積
主計之才。有一夫之泣。向隅亦司刑之責。對揚春簡。愈整忠嘉。可徐鉉騎
省集右。松巖績除司空。兼門下侍郎。平章事。制門下。天作司牧。必生丞
摠。非君臣同體。道則不明。非律呂交感。功則不濟。擊于眇質。負荷景靈。不
有時賢。豈戡多難。敬若先意。疇茲舊臣。其純粹炳靈。忠和成性。製台鼎之
慶。連肺腑之親。歷奉累朝。坐更庶尹。憂國家之事。知無不為。經夷險之間。
中立不倚。言必由於忠信。行必自於誠明。勞而弗矜。謙以自牧。先朝鑒其
誠志。任以腹心。須當巡守之初。俾或主留之寄。盡規竭慮。夜思晝行。京輔
以寧。時乃之力。及奉揚末命。以佑冲人。送往事居。禮無違者。忠勳茂績。人
無間然。今二后在天。萬物思理。予方乃眷。民亦具瞻。是用命作司空。倚為
左相。兼國史。樞機之任。進升階。食賦之資。豈曰寵章。是同憂責。嗚呼。受遺
作弼。厥惟艱哉。爾其崇遠大之謨。布簡寬之政。詢箴諫之士。塞使佞之言。
滿假自賢。則其智益蔽。虛懷接物。則其猷益光。念茲在茲。以底于道。可彭
汝礪。鄱陽集節度使。開府儀同三司。除尚書左僕射。兼門下侍郎。制朕
右稽先王。惠迪高后。咸有明德。施于邦家。上達日月。星辰下逮。草木鳥獸。
夷狄蠻貊。罔不來王。山川鬼神。亦克用人。爰及厥后。畢予于休。蓋惟一二

永樂大典卷萬三千七

二

之臣。能建長久之策。我求于輔。食曰汝賢。丕造治廷。誕揚乎號。其官其直
方而停。裕莊投而靜深。獨兼文武之資。更典始終之學。其才為山川之大
其器為規矩之嚴。仁人以為之為。已歸儒夫。聞之有立志。殿邦于外。威行上
將之壇。開府以居。服視三公之袞。蔽自朕志。詢于師言。用登左揆之業。仍
治東臺之務。嗚呼。民為邦本。惟汝其承。食為民天。惟汝其義。君子難進。汝
其無違。小人亂邦。汝其必察。朕有過汝。惟告。朕不敢不改。朕之德汝。惟相
朕不敢忘。朕有攸行。汝為大與。朕有攸濟。汝為舟楫。克正其本。乃能齊其
不克成。其始蓋圖。厥終哉。在堯舜之時。有若大禹。皋陶。克熙于帝。載在商
周之時。有若周公。伊尹。惟亮天工。具有成名。見于來世。汝比靡悔。時惟朕
休。程忠惠先生集節度使。開府儀同三司。除尚書左僕射。兼中書侍郎。制
古我先王。惟圖任。舊人共政。咸有一德。克左右厥辟。宅師格于皇天。迪
我高后。嗟爾萬方。之有衆。聽予一人之作。猷其官甚為國。世臣若時。元老
有申伯。柔惠之德。標此萬邦。有山甫。將明之忠。式是百辟。勳在盟府。紀于
太常。淑旂綏章。壯十乘元戎之寄。繡裳赤舄。兼三事大夫之儀。時論道經
邦之遠猷。對代天理物之元宰。眷茲屏翰。作朕股肱。邁命衮衣之歸。爰越
介圭之親。眷予良弼。維簡在上帝之心。建尔上公。以欽若先王之烈。其瞻

四海師表萬民其正左輔之名往摠西臺之務朕欲四方其訓無競得人
 汝惟庶績成熙允釐在位命乃保人格于丕平使山川鬼神亦莫不寧致
 華夏變額周不率俾於戲欲治已久得時為難由成湯而至文王若伊尹
 萊朱之視見乃齊宣之知孟氏曾管仲晏子之不為往有乃心以輔台德
 許應龍東洲集徐清史除太常少卿兼權戶部侍郎制 昔孫伏伽言三
 事當時之君嘉其剴切不次擢用以厲群臣朕甚慕之以爾特立無朋至
 剛以直經惟勸講屢進嘉猷擢真副端愈彈諷論肆于卑以奉常之職仍
 攝或卿庶陪言語侍從之班日有獻納論思之益志據所蘊以副予知范
 石湖大全集知臨安府姚憲可司農少卿兼權戶部侍郎制 昔少皞列
 九農正之官成周有少司徒之職今吾設卿以治粟立貳于司元惟裕民
 足國之是圖故稽古建官而惟謹以爾疏通而知體精敏而用和嚴節句
 符轍環殆徧邦儲民力日擊固存才素許於辨多職何憂於共二夫顧難
 國後則天不能貧散滯取贏則國有餘蓄成索裘之不憂雖拾藩以何庸
 朕選惟艱爾功其懋僕不孤於委任夫豈後於褒陞 新知通州許克昌
 可秘書省秘書郎兼權司封郎官制 朕惟人才實難世道所惜常恐有
 遐遺之歎故弗忘留落之餘爾夤以藝文先乎俊造一跌不振十稔于茲

永樂大典卷萬字書七

此得親於清閒能告猷於閑遠報其之郡留以在廷遂典領於書林且攝
 承於即位晉用之亟否傾則然脂車良辰發軔英軌洪平齋集軍器監丞
 謝奕禮除大宗正丞兼權兵部郎官制 勅具官某丞郎朕所重非其人
 不輕畀爾韋平之裔有詩禮之傳陰馬之族無高貴之累可謂推器矣丞
 我太宗攝組郎省豈特用為爾榮恭儉惟德恪勤迺事朕將以是觀爾之
 致遠可 大府寺簿趙汝誥除樞密院編修官兼權兵部郎官制 勅具
 官某刑潤置官隸樞屬為卑在紹興有若直臣銓在乾道有若名儒烹能
 大其官爾拔于公族名在甲科執掌州縣坐閱群飛之判天而無競心不
 既賢于朕蒐英獵雋首在選中推拔有廷攝郎武部以貫穿馳騁之材與
 間廟畫從容援古誼以訂邦國之若否所居官大矣毋安於卑而不之勉
 可 太常寺簿朱揚祖除樞密院編修官兼權刑部郎官制 勅具官某
 八陵隔於腥墟踰百平雋虜墟滅俘來以圖朕灑涕恭覽慨懷朝謁謀及
 卿士爾銳於行化暑披榛祇款陵下橋山弓劍儼乎猶昔而嵩洛之王氣
 可絕也星言歸奏良慰朕心進編摩於宥府乃攝事於郎曹姑獎忠勤實
 階選拔可任布衣斯庵集趙懋夫宗正丞兼刑部郎官制 司宗設屬實
 班馬列寺之間識刑有郎必嘗中三尺之選以爾才業甚茂厥歷已深再

履周行宗暢華問宜晉丞於瑤籍兼攝事於蘭闈秩序本支叶贊維城之
國欽卹典憲運臻空國之風汝往欽哉思以領此 英格宗正丞兼刑部
郎官制 初北官奉朕於輪對之班寓以選材之意苟條陳之剴切知抱
負之淵深亟加不次之除庸屬敢言之氣爾頃陳時弊雅契于衷或九卷
於周行於時未久則三丞於屬籍茲選尤高晉攝郎闈使裨憲部惟龍禁
之狎至宜稱塞之是圖 陳孔石太常丞兼權工部郎官制 朕稽寐才
傑求之惟恐不及矧周行之舊久勞于外可不式邁其歸以爲表著之重
乎爾夙以器能之茂異加之師友之淵源欲自見於事功每克加於砥礪
間者皇華之兩界卓然風采之有聞該庸晉列清途持示褒顯奉常典禮
允資儒學之英起部程子素處老成之彥其欽于渥益邁爾猶 鄧仁勇
太常丞兼工部郎官制 奉常之典三禮必屬儒英起部之總百工亦資
才彥爾於二者宜謂兼長自爲州縣之官已力公上之事暨登朝著尤切
賢勞宜贊或於容臺仍攝承於郎省其體東知之異益思奮厲之圖 曾
煥秘書郎兼權禮部郎官制 蓬山實萃於英游郎選尤宜於文士盡閱
芸香之帙益昌麗藻之華爾學世其家名副于實早潛心於墳籍素刻意
於詞章館下之誨諸生已嘉教育中秘之書四部宜俾典司益圖爾業之

永樂大典卷之三十五

四

充以副時咨之選劉後村某程元鳳除秘書丞兼權刑部郎官制 三館
惟丞職最高六曹之郎選尤邁若一朝而併授必當代之勝流爾標度之
清文行之粹居後造之前列有士林之美名掌教辟雍師道可法談經宮
邸古誼與稽朕固知爾之學矣涉筆秘丘發舒英華獻刑省戶昭雪幽枉
又將試爾之材焉可 劉良貴除宗正丞兼金部郎官制 三丞惟瑤際宸
清二十四司惟珍部尤剴朕環顧在廷得其人焉爾博洽可以專筆削精
明可以燭姦欺優游共二既清且要必極鋪張揚厲以成一代之鉅典必
究本末源流以足大農之經費則爾爲有勞於國丞郎而上進進未已也
劉良貴除秘書丞兼金部郎官制 自六朝以秘書丞爲第一官瀛洲
諸學士莫敢望非老於文學其誰宜焉爾通倫類而明體用前由丞郎拜
牧守擁麾而不果行時方急材起家冊府遂亞長成士林之高選也疊組
珍部寶掌出納郎舍之刺曹也人效一官而不足爾兼二者而有餘可許
應龍東湖其鄰送辰除宗正丞兼金部郎官制 人門兼用布列班行所
以崇德象賢也以爾謙和通敏克紹家聲農扈爲丞恪勤匪懈擢贊宗郎
仍攝珍曹其思睦族之方益究理財之策克稱厥職則予汝嘉 方大琮
除著作郎兼侍左郎官制 承明著作之庭昔人以爲文學之清選非史

才不居必得名流始稱厥職以兩氣溫而和詞嚴以則登省闈之前列馳
官路之休聲策足周行晉丞外府究心職守見謂公勤方推實於蓬山復
晉司於論議仍兼銓選庸示簡知往服厥官益宏遠業洪平齋集大宗正
丞蔣峴除軍器少監仍兼權侍左郎官制 初其官其武監戎部之附庸
官間無事少也占位涉筆無幾隨然擢用之材於此乎儲兩學問醇茂義
理融暢恬夷而莊舒卷阿吉士其人歟丞我麟宗攝郎銓省几案文書填
委不動聲氣隨手冰泮而九品無遺鑒體用其矣試材以劇養望以暇鶴
膝屏渠姑或程作朕方圖所以進爾者可 秘書丞彭方除著作佐郎兼
權侍左郎官制 初其官其斯文在天地間前乎管百世之既往後乎鑰
百世之方來非諸儒誰屬爾以經明行修都儒林之望詩所謂如金如錫
如圭如璧者也丞于秘立攝組畫省銓綜餘隙盡請未見之書翰迺日
進之佐著蓋將罔其中而肆其外用昌斯文豈特為時佳吏部哉可 劉
克莊除樞密院編修官兼權侍右郎官制 初其官其時政記者國史之
推輪經武要畧則先朝勝制典刑之囊括其書纂次於樞屬自昔必名儒
文士爾家傳儒藝著文聲軀抱不凡脫餌科級諸老先生多之薄正屬
籍進升刑潤維汗青之稱也與開廟畫攝事郎道精慈簡通對我珠璣可

永樂大典卷萬三千五百七

陶本除秘書丞兼右司郎官制 初其官其書之務清而後能簡節
疏日以經綸天下之大務實掾不可不謹也爾表表表莊言寡理中蔚為
通達國體之器轉丞道山脫氛壘而凌沆瀣俾得以悉心於省闈整紛疏
壅剔煩撤要中書之務其清乎神宗聖訓有云左右司須是學為宰相爾
雖兼官尚帥志毋怠可劉後村集吳君權除將作監兼侍左郎官制 爾
自嘗守召還郎舍也朕命大臣擇職業可以自見者試爾之才乃據公府
甚宜其官屬夏享原廟序進群僚朕惟大臣取清左選尤刺爾以有餘之
材治甚清之職且易耳銓曹持衡人裁量天下選人官失其柄使主令
得以施其伯州犂之手賢愚同滯孤寒失職者病之所為選擇而使于也
以清局兼刺曹庶乎益有以自見矣可鄭起潛立庵外制葉朝請郎太常
丞兼權侍右郎官劉疏除秘書丞兼侍左郎官奉議郎守秘書丞張霆振
除秘書省著作郎兼權侍右郎官制 冊府著庭最為清選文銓武選俱
號劇曹爾甄經術該通爾寔振詞華蔚瞻或丞冊府而文銓共之或長著
廷而武選得燕相輝群玉之堂交映積星之舍既清且要各懋乃庸任市
夷斯庵集丁炳大宗正丞兼權尚書左郎官制 尚書郎皆高選而天官
之屬實為諸曹之冠使之晉丞宗正兼典史銓斯亦不次之舉爾學行醇

永樂大典

卷一三五〇七

茂器度弘深舉早著於立朝政有聞於貳那來歸未久官次屢遷式昭簡
眷之深皇謂便蕃之渥其欽予命益整爾能 末昭著作郎兼左司郎官
制 著庭設官必備三長之美中臺有屬實贊萬事之機茲得其人僉言
惟允以爾風猷敏耶識慮通明由畿邑以登朝或蓬山而既久宜伸厥咨
庸表爾能文觀優游固不勞於著課鼎司要重其式謹於彌綸克對寵光
嗣膺甄拔高著齊薇垣類蒙承議郎徐麻卿特授守尚書度支郎官兼尚
書右司郎官制 郎選莫勞於支度省務莫劇於都曹非有清通材明之
考其能以一身兼二任乎爾積學深醇賦財亮茂能以儒術飾吏故歷官
率者良稱嘗實周行列于樞掾多所裨益乃至論奏剴切有犯無隱則雖
忤世犯患不悔也朕火不見有懷其人肆用延登俾共二事欽哉若予恭
朝散大夫試太府卿兼勅令所刪修官顏頤仲特授試司農卿兼勅令
所刪修官兼尚書左司郎中制 大農外府庫庾氏長子孫其間方當國
用單乏之秋不擇材明者為之長孰與參稽而阜通之爾以批郤導窾之
材更迭中外職業具修內而劇司要曹咸所周歷自使領右以歸即勞爾
以治藏之長顧念樞臣亦惟爾宜肆用序遣兼裨省務錢穀問至廟堂將
悉於爾乎咨 末劉後村集張稱孫除將作少監兼右曹郎官制 人材各

永樂大典卷一三五〇七

六

有所長若其儒雅足與士大夫相頡頏顧使之右案鞮而左鞞揖用違其
材夫爾以藩邸之姻有士林之譽屢上春官鐵研欲穿而壯心未已豈與
曾仕者哉少匠尚書郎皆高選也可以展究爾之才學矣往其欽哉可
何式除軍器少監兼權度支郎官制 非歷郡不為郎先朝病其法之拘
也或錄二監徑通要津於以越故常而特奇傑爾起蜀道來漢廷凜然寒
露之潔溫然春風之和大夫國人皆稱其賢丞宗正郎版曹後顯榮矣推
或武監仍兼計省夫工技之精出納之吝非所以煩儒者也姑養資望朕
將不次進汝矣可 家坤崩除樞密院編修官兼度支郎官制 方今急
政要務非兵與財乎朕委任宰輔提其綱又謹簡乃僚治其目西府之有
編厚計省之有度支凡邊防畿密國計盈虛皆與聞焉非止責以纂修經
武之書出納有司之事爾名法從之于材而賢縣譜尤高登畿有美譽贊
聞有銳畫其以太尉掾兼尚書郎惟壽鞭算必有以裨科瑣紆經費者汝
往欽哉可 蔡抗除樞密院編修官兼權屯田郎官制 朕甚重朱氏之
學誦其詩讀其書者皆尊寵之况於其門人高弟之後乎蓋早從攷亭深
入聞與晚坐鈞黨以終者爾王父也隱居丘園不求聞達獨抱遺經以老
者爾嚴考也爾源委如是故試玉堂則陳正大之論掾公府則有忠益之

言及對使朝則空臆犯類無所回隱非師之傳人家之鉅子乎樞屬焉其
 郎潛共二予不吝褒嘉之寵爾益思嗣守之難可矣泳鷗林某素中儒授
 秘書省著作佐郎兼權考功郎官制 勅其官某漢有著作庭晉有著作
 省元康間始置佐著作而郎於是選者非淹洽之才不以輕畀爾者儒之
 身既博既文雄書西崑涉筆東觀不暮月之間一命再命於汝亦華矣榮
 名止於一時直筆定於萬世往往而長垂憲方來可陳止齋集朝散大夫
 尚書戶部員外郎趙謚除軍器監兼權兵部郎中制 勅其官某戎監之
 設本以嚴飭武備而休兵歲久繕修之職各有司存長或亦惟總其凡而
 己以爾舊弼之孫先自抑畏又在郎省能察悔尤序進為長仍攝民曹往
 其祗欽無替于舊可韓維南陽集權提點河東路刑獄公事尚書都官郎
 中毋沆可兼尚書司封郎中差遣如故制 勅其河東外控疆場之阻內
 總郡邑之廣吏雜文武俗兼夷漢爾以才選受使者之任而能底慎庶獄
 澄清列城可謂有勞矣進官一等以示獎勵益懋嘉最且有優陟可唐元
 稹長慶集在院檢校都官員外郎兼侍御史制 勅在院等自元和以來
 有大勳烈於天下先帝資予以保衡者唯司空度度亦齊陳祗畏不自滿
 大慎爾其屬毗于厥政惟既及洙成在茲選是用報我亂察副其勤求惟

宋集大典卷萬辛五音七

七

爾敬古舊佐藩服効誠于長議以序遷我我欽冠晶晶銀印受之以任其
 樂所從可依前件 裴溫兼監察御史裏行充清海軍節度叅謀制 勅
 前洛陽縣尉裴溫等尚極北向戶北至于桂林旁帶邕容分置征鎮而南
 海尤居劇地舊制輒得臨莅諸管恭酌庶務茲惟郡察溫等受知於人為
 報不易勤盡檢白可以無瑕可依前件白居易長慶集李彤授檢校工部
 郎中充鄭滑節度副使王源中授檢校刑部員外郎充觀察判官各兼侍
 御史賜緋紫制 勅萬年今李彤侍御史王源中等舜以五長綏四國若
 今之節制也用以十聯率諸侯若今之廉察也國家合為一柄付有功諸
 侯故其陪臣選任益重或輟朝籍授簡書者往往而有况承元有大忠于
 國受重任于外使其承上莅下教始善終實在庶察叶力以濟今以彤宰
 京邑有理劇之用如水在器撓之不濁以源中立憲府有糾正之能如月
 發剛剝之無滯一可以倅戎事一可以佐輅車二職交修在此一舉臺郎
 憲史金印銀章加乎爾身無忝我命可依前件宋元憲公集起居舍人知
 諫院姚仲孫可尚書戶部員外郎兼侍御史知雜事制 勅漢家以文中
 卿史參選目唐制以郎知雜事雄官儀明其緣飾風采濟于幹用然後能
 振綱紀而澄姦伏也我有公選屬之名材以爾具官姚仲孫肅給自將和

正無撓。早服賢譽。垂結史勳。擢朝閣之華。入光祿署之列。重以言責。涉于歲期。嘗曉厥勞。進序清秩。而遠勝靡懈。視履有衣。善非近名。且不為訐。述其雅尚。宜渥寵褒。俾階左戶之榮。改率南臺之屬。樹贊錯枉。茲有望焉。可。監察御史裏行高若訥。可尚書主客員外郎兼殿中侍御史裏行制。初其官高若訥。志操清淳。風宇韶令。早繇醇等。擢在萬科。自視中於仕塗。遠引藉於朝。故曹靡它。吝。休有厥聲。比緣慰薦之章。寓行察視之列。屬攸司大較。舊謀有成。通裁歲期。當懋恩典。俾陞郎位之寵。且參殿中之憲。往服兼命。無懈迪誠。可。鎮安軍節度使同中書門下平章事呂夷簡。元隨。宋宗。可銀青光祿大夫檢校國子祭酒兼監察御史武騎尉充教練使制。敕。其下元隨。宋宗。早率練勳。載懷忠事。屬吾元弼。均逸近藩。嘉其執侍之良。協乃補除之次。綬綱率秩。懋職武勳。併示寵於。勉懷恪恪。可。贈太保中書令王曙。元隨。高。貴。可銀青光祿大夫檢校國子祭酒兼監察御史武騎尉充教練使制。敕。其下元隨。高。貴。早繇家祿。事于台臣。屬茲終位之良。軫以服勞之舊。正名牙職。攝龍朝階。勉行遺恩。以忠初惠。可。環州洪德寨熟戶白馬族巡檢殿侍勳。移男。魁。環州洪德寨熟戶白馬族軍主。你埋男。移。你。並。可銀青光祿大夫檢校國子祭酒兼監察御史武騎尉。

永樂大典卷萬三千五百七

八

充本族軍主制。敕。故其官勳。移男。魁。等。世。款。違。聞。義。承。主。略。惟。乃。親。之。盡。瘁。因。所。屬。以。上。聞。宜。襲。龍。名。且。按。舊。秩。文。階。厚。職。憲。秩。武。勳。併。示。恩。褒。勉。繼。忠。恪。可。漢。洞。彭。師。中。可銀青光祿大夫檢校國子祭酒兼監察御史武騎尉制。敕。其官彭師中。荆土邊酋。武谿舊姓。奉承王略。武遏夷疆。比參邏察之權。且有捕擒之效。騰章來上。疏龍兩宜。又散胄官。憲僚勳。總往祗優渥。並勳忠勤。可。慶州蕃部羅泥男障羅。可銀青光祿大夫檢校國子祭酒兼監察御史武騎尉制。敕。慶州東谷寨界熟戶。外尸族蕃部。羅泥男障羅。乃考以扞塞之首。主幢仍世。鄰緣外禦。弗及身防。殞命疆。隍。書。忠。慕。府。眷。言。嗣。嫡。宜。襲。官。榮。勉。撫。族。人。尚。終。先。構。可。銀。青。光。祿。大。夫。檢。校。國。子。祭。酒。知。漢。洞。峽。州。軍。州。事。兼。監。察。御。史。武。騎。尉。舒。通。曼。可。加。雲。騎。尉。制。敕。其官舒通曼。邊種推豪。世官內屬。父祗。疆。事。能。稟。朝。規。屢。全。出。徵。之。俘。彌。顯。來。王。之。節。騰。章。自。達。疏。賞。攸。宜。俾。進。勳。名。用。光。忠。效。可。熟。戶。俞。龍。滿。可銀青光祿大夫檢校國子祭酒兼監察御史武騎尉制。敕。秦州水寧寨熟戶俞龍滿。乃父以祗服世勞。奉承邊略。登遺緒業。屬爾後昆。繼軫淪亡。次。須。紹。襲。宜。推。陞。於。軍。簿。俾。保。訓。於。族。人。仍。視。官。榮。且。謹。吾。園。可。唐。白。居。易。長。慶。集。王。智。舉。可。檢。校。右。散。騎。常。侍。兼。御。史。大。夫。充。

永樂大典

卷一三五〇七

武寧軍節度副使領本道兵馬副行營制。初沂州刺史御史大夫王智興李愿李愬之鎮武寧也。汝為裨將。勵節志身。濟成大功。汝實有力。獎其誠效。擢授都符海沂之閒。又著聲績。宜加新命。以寵舊勞。仍提銳師。往討戎律。夫將之撫衆如子弟。則衆之視將如父兄。苟推赤心。而無疑必。蹈白刃而不悔。勉親士卒。傳剪寇戎。可依前件。王魏公集太常博士充集賢校理丁執禮。可依前太常博士集賢校理兼監察御史制。勅其官兼御史府。朝廷網紀所在。以糾正官邪。王平邦憲為職。非忠厚端諒。明於治體者。孰能勝其任哉。函文學行義。該洽敏明。內外踐揚。號為稱職。監察之選。實爾故官。其往欽承。愈思懋勉。可。夏文莊公集故知古州軍州事制。勅其銀青光祿大夫國子祭酒兼監察御史武騎尉知古州軍州事制。勅其汝世倚朝榮。夙懷忠節。特允邊臣之請。俾分列郡之權。寵數有加。國章斯重。益輸丹款。以答隆恩。可。西蕃親裡族首領潘般。可銀青光祿大夫檢校國子祭酒兼監察御史武騎尉充本族軍主制。勅其性稟忠純。志懷剛果。來歸德化。遠朕聽聞。宜霽殊恩。旌忠効可。洪文安公小隱集溪洞夷人首領龔萬光。授銀青光祿大夫檢校國子祭酒兼監察御史武騎尉充軍速州溪洞巡檢制。樞密院奏兵部中慶州路鈐轄安撫司奏黔州中相

永樂大業萬年書

九

陽寨管下溪洞夷人首領龔萬光狀。故父龔士稀。係銀青光祿大夫檢校國子祭酒兼監察御史武騎尉充軍速州溪洞巡檢身故。乞承襲尋行下勅。會龔士稀於紹興二十四年七月身故。龔萬光係第二親男。合該承襲。爾世萬恭勤。忠誠種落。父死子繼。厥有舊章。峻升崇祿之階。分界五溪之寄。益肩忠孝。永保光榮。知雷州田洪昉長男思高。授銀青光祿大夫檢校國子祭酒。知溪洞雷州軍州兼監察御史武騎尉制。夔州路安撫司中據銀青光祿大夫檢校國子祭酒知溪洞雷州軍州兼監察御史武騎尉尉田洪昉狀。元年八十餘歲。在邊行履不前。所有上件州額告印。並前乞今長男田思高。依溪洞父來體例。承代承襲。奉聖旨依。爾世萬恭勤。忠誠種落。父老子繼。厥有故常。峻升崇祿之階。分界五溪之寄。惟忠與孝。永保光榮。張廣東憲集由彦宣承襲銀青光祿大夫檢校國子祭酒。知京賜州兼監察御史武騎尉充東路都督首制。勅其官兼朕疏厚典。以懷遠人。爵秩土疆。聽其世襲。以爾父於撫御。備整忠勤。遂以疾辭。請延其嗣。奉稽故事。惟錫質書。玉璽所加。種落自附。益恭巨職。毋墜前修。洪進盤洲集莫延善。銀青光祿大夫檢校太子賓客使持節南丹州諸軍事刺史兼御史大夫知南丹州公事武騎尉制。率土之濱。莫非王臣。靡私涵覆。九州

永樂大典

卷一三五〇七

之外。謂之蕃國。所貴懷來。春惟卉服之英。能慕華風之美。承桃有慶。錫壤為榮。其浴義沒仁。資忠履信。心傾葵藿。遠輸就日之誠。世受絲綸。不闕梯山之貢。既處天倫之長。宜稱海嶠之雄。當茲似續之初。貴以便蕃之渥。躋銀艾祿臣之秩。兼風霜憲府之官。擬儲部之元寮。陟勳階之華品。併斯徽數。為我遐藩。尊君之道。無它主乎恭順。撫俗之方。有要務在溫慈。祗服訓言。益綏福嘏。高著喬嶽。垣類藁廣。西經畧司。奏宜州申。知南丹州莫光。熙子白身。莫異德。照舊例。承襲故父。莫光熙。元額。官資。輝歷。諸洞。蕃夷。可特授銀青光祿大夫。檢校太子賓客。使持節。南丹州諸軍事。南丹州刺史。兼御史大夫。知南丹州公事。武騎尉制。朕。玉胃海隅。仁同一視。凡而內屬。咸用寵綏。爾世篤忠勤。侯于要服。考終于紹。厥有故常。貴仕崇階。兼官勳級。悉所不靳。以重州權。益務孝恭。長綏種落。知溪洞奉化州。故田洪萬。男思越。奉聖旨。可特授銀青光祿大夫。檢校國子祭酒。知溪洞奉化州。兼監察御史。武騎尉制。初。具官某。帥臣言。爾當襲父恩。宜錫官榮。俾副厥服。階勳職秩。併示寵嘉。往務欽承。無忘忠孝。可。到才邵。杉溪居士集。蔡安。強直。秘閣。知襄陽府。兼安撫制。初。具官蔡安。強。延閣。預。英俊。之游。夫府任兵民之寄。併為異數。宜屬能官。以爾性識精明。材猷通敏。既備吏於

永樂大典卷一三五〇七

十

事任。嘗茂著於聲稱。爰推出綽之恩。肆錫分行之寵。往臨一路。總按列城。宜克務於綏懷。其勿志於報稱。可。洪平。脩集陳隆。除屯田郎官。兼知興元府。兼利州路安撫制。初。具官某。諸葛亮。駐。漢中。以圖中原。以木牛流馬。為未足。又雜耕于渭上。食足兵強。而後圖勢。振遺蹟。可。存也。爾材猷卓踔。志氣軒岸。健颯。蒸。檣。駕。順。風。於。長。川。誰。能。禦。之。褒。斜。建。藩。厥。雍。蔽。益。威。名。一。震。膚。公。坐。奏。朕。知。其。當。一。面。有。餘。也。惟。遠。關。雖。靖。田。萊。尚。荒。繕。原。堡。濟。溝。洫。貸。牛。種。以。耕。最。今。急。務。咨。爾。良。牧。郎。子。司。田。以。往。之。墾。屯。積。穀。縱。糶。宿。飽。秦。隴。在。吾。目。中。矣。往。哉。圖。稱。簡。拔。可。趙。彥。軍。除。直。寶。謀。閣。權。知。廣。州。兼。廣。東。路。經。畧。安。撫。制。初。具。官。某。自。唐。以。來。殿。南。服。者。能。使。海。嶺。之。既。足。既。濡。幾。何。人。故。宅。牧。必。謹。爾。嚴。於。治。已。而。不。絕。物。切。於。愛。民。而。不。近。名。公。族。之。英。吏。之。良。也。起。來。蜀。傳。昇。治。使。節。刀。布。之。利。方。興。番。馬。謀。帥。又。輟。以。往。為。官。擇。人。莫。嫌。數。易。夫。貪。泉。不。能。汙。夷。齊。之。操。固。也。以。身。為。表。州。縣。吏。聞。風。皆。趨。於。精。白。則。遵。海。而。南。斯。民。安。必。樂。業。如。中。州。矣。朕。蓋。以。庶。頑。立。懦。而。望。汝。可。何。珠。依。舊。直。徽。獻。閣。知。福。州。兼。福。建。路。安。撫。制。初。具。官。某。君子而有才。國之寶臣也。故孔子以為難。爾為臺諫。清而不隘。和而有立。質直而知體。敷對詳雅。諄然君子之風。輟自版曹。出將漕指。

不可不純。咸愛齊濟。豺虎興於前而色不動。迄談笑而穢之才之稱也。則中謀帥弄印蓋久。就為朕往以詩書禮樂陶其民於整暇。使朕無方面之才之歎。顧不美歟。可。金部郎中黃壯猷。除直秘閣。權知紹興府。兼浙東安撫制。勅其官未會稽東南鉅鎮。中興百年之馮翊。朕之豐沛也。吏治剛則既柔。則圯。故牧守以識體為良。爾韞姿融明。慮事精家。問者攬轡左。測政得寬猛之中。朕深知之。擬自望郎。出殿帥閣中。祕寓直。擁高牙大森。而東。豈特以華舊部之觀哉。書曰。以厥庶民。暨厥臣達大家。又曰。康濟小民。率自中德。禮刑殊事。齊有序。而上下相安於和樂。體斯得矣。重稽幣而輕和買。抑思乃言之踐可。凍隆之。除直華文閣。知興元府。兼安撫制。勅其官未。西顧之憂。朕未嘗一日忘也。制蜀既分。置使副。梁入以謀帥。積得非原堡失。其除難於方面之勳乎。爾出入兵間。而膽畧雄。往來塞下。而機弄熟。汚雖重。孰與梁重。迨直文奎。建屏作牧。民生之未殖者。爾集之。軍政之未敷者。爾飭之。邊防之未密者。爾紓之。替援合。而彼已無異情。志慮公。而內外有實政。守固而戰克矣。往勿替朕命。可。李安國。轉武功郎。依舊知金州。兼管内安撫制。勅其官未。滿忠烈有傳。材勇自奮。入庀八屯之列。備宣十稔之勞。既應實科。宜升華級。往任蕃宣之寄。力圖控禦之勳。

永樂大典卷萬三千五百七

七

可。馮田。改差知金州。兼管内安撫制。勅其官未。襄沔上流為安。康以守行帥事。左符。每艱其選。爾守洋川。有治行制。聞。爾才周。應變績著。善邊宜。易鎮要藩。信如其言。吾得良牧矣。郡據秦楚蜀之會。距商虢孔通。非識常山蛇勢。不足以圖攻守。而撫軍字民。其本也。毋忘毋易。可。張紫微先生。集開琪。為擒獲順蕃人。張密轉拱衛大夫。果州團練使。陞充永興軍路兵馬都監。權知雅州。兼管内安撫。依前統領忠義軍馬。換給制。屬者黔虜。犯順。方華原之被圍。有倖二心。欲播城而應賊。乃因變告。已即大刑。封吟無虞。忠勤是賴。其官未。出入行陳。勇敢無前。撫輯也。營恩威有護。因茲謀之。竊發爰武。斷以知名。事已殆而復安。賊將成而卒敗。載觀獻狀。良用歎嘉。俾進橫列之階。兼委郡符之寄。益堅勤略。以稱恩榮。高著齋殿。垣類葉朝。散郎朱銓。可依前朝。散郎權知邕州。兼廣南西路安撫。都監。仍借紫制。邕莞周索也。越居嶠南之外。則疆以戎。索非。踞通。獲濟者臨之。則民夷交相為瘡矣。爾祖以大儒繼絕學。私淑諸人。登其門者。咸能推所得。以善世。爾猶逮聞祖訓。歷官有年。嘗觀爾于周行矣。邕非易治之地。用勞爾。以殿臨。往紹先閔。刻意綏御。其按風興夜寐之節。敬爾有官。可。洪平齋。集重順。除直秘閣。權發遣夔州。兼主管本路安撫司公事制。勅其官未。夔子

之國楚蜀枿吮時平急於拊綏有遠嚴於控扼牧民御衆必惟其材爾氣岸瑰偉風采英發曩守喬安能不抗于疆衡陽又以節用愛人著推之坐鎮三峽肇護十連不惟刀耕火種之民懷生而樂業平沙八陣歷歷魚復折衝應變之略盡在目中矣往哉母憚叱馭可尤論除直秘閣權知江陵府兼主管湖北路安撫司公事制初具官其荆州用武之國東連吳會西通巴蜀而北控京洛經理中原之秋宅乃牧尤難其人爾涉深而養之固蓄厚而發之閔大阿龍象之出匣斷蛟刺犀忽若鷲記豈安陸專城足以展其材寓直中秘全護荆楚觀三國必爭之形勢考羊陸守禦之規摹無不虎視精神折衝上流之顧寬則朕可安意而國中中原矣往愬厥功用副推擇可劉後村集魏克愚除太府少卿兼知臨安府主管浙西安撫司公事制六飛都抗以來尹漕皆治輩下皆以名卿為之尹闕則漕次攝或就拜列聖相承皆然爾岷峨之英文靖之子得於天者高故心通而神悟講於家庭者熟故見廣而聞多使之陳臬事漕計無擊斷之迹有治辦之實朕察其才有餘而用未究者京兆弄印無以易先其以卿少行大尹事先朝多命儒臣領開封所以示表倡而厚根本也豈必若趙廣漢輩設站筒鉤距以察為明乎或謂今之京邑至難者有二曰糴價曰物價蓋

昔之長於心計者推劉晏史稱其能權萬貨重輕使無甚貴賤而物常平然則平其未減之價下其甚高之估爾必有以處此孟子曰若夫潤澤之則在于矣爾其勉之可李鏞除陞直煥章閣依舊知紹興府兼主管兩浙東路安撫司公事制漢黃霸有言數易長吏送故迎新之費及姦吏緣絕簿書盜財物公私費耗甚多皆當出於民所易新吏又未必賢或不如其故霸為西京循吏之冠其論如此可謂天下之名言矣朕以爾帥越有治理效以大匠召昔人送表於郡國之意也然未再歲三調守送故迎新得無費耗公私乎吏得無緣絕簿書為姦乎所易新吏又未必賢乎夫為寺監擇長官易為一路擇守帥難是用連律奎閣姑為越人少留庶幾吏守成規民拜終惠麥之兩岐未之同類者可食棠之蔽芾者可勿剪且以慰鄰人歌僑河內借恂之意即起潛立庵外制集朝請大夫太府少卿謝達除直敷文閣知靜江府兼經畧安撫司公事制朕愍長吏數易之弊法累朝因任之規務在安民尤不忘遠有上聞其治行報申命以璽書矧惟十國以為連不但千里之家福爾才猷敏部正術疏通頃從郡最以召環復自郎潛而分土絲履而節皆廣與湘載時八柱之膺已播五楛之詠嘗以卿召旋為朕留爰陞內閣之班就昇帥垣之綬指麾部屬多至二

十五州。綏撫變隆。不知幾百餘種。庶有上下相安之便。而無新故更代之勞。共理惟良。端足分於憂顧。美成在久。尚母贊於初終。惟暨厥心。將選所表。修武郎左屯衛郎將俞興。權發遣夔州兼主管本路安撫司公事制。夔當全蜀之口。據荆楚上游。委寄莫重焉。爾奮身忠勇。有志功名。茲用分虎符而畀之。實兼一道藩垣之任。爾其控三峽以保我荆蜀之間。上寬顧憂。嗣有褒陟。吳沐鶴林集。尤煇授淮南路運判兼權知廬州主管淮南西路安撫司公事制。勅具官某。朕愛護人才。如護嘉木。長短小大。各裁其偏。而器使之。蓋欲以行材用之宅也。爾乾道淳熙名臣之孫。浚明而文淹洽。而辨一擗七載。才益老。氣益堅。悍抵掌談功名。益不衰。朕嘗試之。極採矣。淮肥重鎮。帥事大虞。是用較汝將輸。共成其事。爾其念食者生民之命。兵者不祥之器。謹之重之。毋使佳兵而食不足。則惟汝嘉。可。秦密禮北海集武功大夫忠州刺史淮南西路提刑馬識遠。可除右武大夫。知壽春府。兼淮南西路安撫使制。勅監司帥守。為職不同。然於恤民禦寇。羊亭獄訟。經略所部。逆待不虞。方時艱難。其責任均也。具官某。學究韜鈴。治游盤錯。發繇策武。推真倫魁。史事任之既多。出材能而自見。其還使節。往履要藩。進升橫列之榮。以重中樞之寄。維淮右當水陸奔衝之會。而壽春奉

水樂大典卷萬三千七百七

十三

兵火傷殘之餘。屏翰長江。輜車近甸。乃眷按臨之舊。當知緩急之宜。必內安閭里之居。漸消姦宄。而外謹關梁之備。深戒侵凌。務足食而足兵。俾且耕而且戰。需爾報效。寬予顧憂。可。知徐州趙立。治郡志勞顯著。可特轉武德大夫。兼閩門宣贊舍人。充管內安撫使制。勅具官某。彭門當淮楚要衝之會。承兵火傷殘之餘。弁邑丘墟。閭閻埃燼。爾能收合離散。保守城隍。經畫有方。忠勞顯著。載嘉乃績。履進厥官。兼領贊之榮名。領撫綏之重寄。蓋彈爾力。以稱朕恩。可。劉後村某馬。光祖。依舊觀文殿學士。提領戶部財用。兼知臨安府。新西安撫使制。朕考祖宗之典故。重省府之事權。元豐以前。專任三司之使。領嘉定之際。或由兩地而尹釐。况當大弊極壞之餘。人非承平無事之比。孰膺隆委。茲得全才。具官某。奕世鉅儒。中朝宿望。磊磊落落。仗波章句士乎。巍巍堂堂。北平傑魁人也。氣吞北來。飛渡之屬。躬提下流。赴援之師。安社稷。見卿之心。全江淮。繫誰之力。南仲于方之命。久矣宣勤。言甫自鏘。而歸。茲馬飲至。屬主計告大農之乏絕。而都人思舊尹之神明。官無紅腐之宿儲。民或亦窮而責糶。常情處此。憂憂乎其難哉。老子為之。綽綽然餘裕矣。朕政塗之異數。仍書殿之隆名。如武侯之集東。思如畢公之勤小物。上副朕心之注倚。下慰國人之瞻儀。噫。周官九府之

永樂大典

卷一三五〇七

藏予欲阜通於財貨商邑四方之極予思培植於本根乃眷耆龐美頌訓
告可馬光祖除同知樞密院提領戶部財用兼知臨安府浙西安撫使
制修介圭之觀方委寄以浩繁借前箸而籌遠登於宥宥廼敷播告
以示褒崇其官其擬傑魁間出之材稟光嶽未分之氣出而召舉八則夔
龍全江淮濟中興既勞運於天塹先京師後諸夏重尹正於日畿然張其
目必先舉其綱作而行孰若坐而論時咨公議擢副本兵朕欲周宥樞機
爾叶心於邠魏朕欲彈壓輦轂爾接踵於啟尊智畧之所經綸威稜之所
震擊內全活溝中之瘠外掃清塞下之塵運堂上之兵賴有若人扣囊底
之智足辨此事至於米鹽凌雜又其土宜緒餘民貧宜弛已張之弓政弊
宜調久膠之瑟噫韓富同升樞府皆練習於邊情歐蔡兼領開封尤精勤
於史事顧如舊德美愧前脩可狂盟錄中書侍郎徐處仁大宰兼門下侍
郎可持授通奉大夫太宰兼門下侍郎兼神霄宮使制初門下國猶置
器安危之勢相形治若循環文質之宜迭用方更振於初載蓋圖任於老
成人皆曰賢政將馬往大中大夫守中書侍郎徐處仁秉心穩固守道端
方器博而周知輕薛宣之方畧材全而藏用陋黃霸之功名尚歆黃髮之
詢實慰蒼生之望朕恭承聖訓嗣守丕基思藝祖之艱難法仁皇之忠厚

永樂大典卷萬三千五百七

十四

周封八百國當謹守於輿圖漢制二千條期盡遵於軌迹欲興聖統無踰
近臣庸登左揆之崇兼列東臺之侍並增爵秩昭示寵光於戲多難以興
在強勉而行道無為而治期垂拱以仰成其蹈古人之為毋負天下之譽
可持授通奉大夫太宰兼門下侍郎兼神霄宮使胡寅斐然集忱愈知明
州兼治海制置制忠智之士立國所資險阨之邦維人無競時亮堪於
重寄有試可之近臣其官其政擅吏師材通世務輔以敢為之氣截然不
撓之忠騰東海之冠疆通鄞江之藩輔貔虎星羅於要害軸轆鱗次於渺
茫施置隨時惟敏果足以應變形聲格敵非明略安能折衝付爾裁制之
權委爾拊循之政欽若予訓勉圖乃功許應龍東澗某趙與憲知慶元府
兼治海制置制四明兼海道之寄任重責專非通敏有謀長於撫御者
朕不輕畀以爾望重宗英才周世用所居而治既馳輔郡之聲何施不宣
復奏計臺之最時咨問寄余曰汝諧爰升遠閩之華增重制垣之任講求
民瘼訓練舟師控扼要衝阜通變舶往修厥職以副予知馬碧梧玩芳集
銀青光祿大夫參知政事葉夢鼎持授資政殿學士知慶元軍府事兼治
海制置使制初朕臨御初元優禮近弼問兩社而輔公室不果為玉留
行倡九牧以阜兆民庶幾與我共理用教渙號尤務師虞其官其厚德鎮

浮明謀經遠被過昭考登進大僚瞻帝鄉之雲愴陳末命升賜谷之日協
 贊重明卜遠攸先送終為大躬復吉之役甫告因山之成陳負薪之憂忽
 勇急流之退遐不謂矣乃從維之朕念大臣為股肱之良人主有體貌之
 敬訪于落止不能造朝則而治之猶可任郡瞻言瀛海實邇天台姑今近
 甸之建牙何異故鄉之衣錦升班規殿申行租畜意儒以道得民往布維
 新之澤王任人共政敢忘求舊之圖倘海表之懷仁則京師之蒙福可異
 泳鶴林集趙葵降投中奉大夫依舊兵侍兼淮東制置使制 勅褚哀指
 泗口以出征咸謂中原之可復彥之得河南而不守坐讓成業以空還每
 思古人深惜事會其官其志非不勇才亦長雄朕鯨鯢於淮甸之東共推
 忠壯將驅虎於淇河之北自許駢驅既收應天復掃清汴所宜撫新附帶
 遺黎時親糧而足軍糧士馬以待用而貪功向洛值虜突防九畿之藉既
 歸旋聞再失兩軍之士未愁亦復俱存總戎若斯為國何賴姑正二階之
 罰以符衆論之公儻能思過於箕谷不戒之初尚可圖功於于散既敗之
 後可許應龍東淵集刺之傑除秘撰兼制置副使制 朕惟荆襄傷殘之
 餘兵力單弱民生凋瘵捍防經理實難其人非資已試之才曷任維藩之
 寄以爾身兼數器望冠群公震帥荆南寬明精練理內禦外克壯其猶兵

承樂大典卷萬五千五百

悅民懷遠塵不警今茲謀帥貪日汝宜特升秘殿之華俾或制垣之任徒
 得君重勉為朕行不惟慰舊治去思之心抑以成真儒無敵之效。勉圖康
 濟以寬顧憂高著齋薇垣類素朝散郎寶章閣待制提舉江州太平興國
 宮何琮依舊寶章閣待制慶元府兼沿海制置副使制 工用不相習則
 有扞格之虞人馬不相得則有跡地之憂嘗從事此州者來為邦伯不亦
 宜乎其官其學識醇明器安為厚儒術飾吏事溫溫維德之基論諫當帝
 心蹇蹇匪躬之故不趨適利而積外庸維今海邦非昔樂國士一日而三
 失五嘗病於師律之否賊民三力而二入公復苦於歲輸之不入以爾嘗
 託南昌之隱又歌海沂之康既諳習於民風宜殿臨於邦土用勞從索兼
 貳制垣爾其歷滄海以停波將冀并京師而蒙福亟祇成命勉即康功劉
 後村集朱熹仍舊觀文殿學士知平江府兼淮浙發運大使制 農業首
 八政方將活青州之饑大君慮四方其可安綠野之趣起弼諧之舊德總
 牧餼之重權其官其學貫九流材周萬變伏青蒲而焚諫藁忠愛之誼溘
 持色綫而補帝裳彌縫之功大輔政於國家多虞之際乞身於中外庶定
 之餘出處付之無心進退綽乎有裕雖燕燕居息與造物而共遊然巖巖
 具瞻適生民而未可屬時兵會積因滂傷近則鴻鴈之謀稍梁遠則貔貅

之待易矣。兼此二任。界之全材。節戟來迎。臺府並建。必集思廣益。罷行務合於群情。必安富恤貧。扶抑悉歸於公。是使四境咸無損瘠。而邊營不至乏興。昔伊尹之澤被於匹夫。蕭何之功及於萬世。賴卿區畫。寬朕顧憂。意荒政採。飢民之窮。諒多概負。仁人後天下而樂行。以哀歸。可。馬碧梧玩芳集朝散大夫。曾孝慶。特授集英殿修撰。知隆興府。兼江西轉運使制。樸江帶湖之府。重於洪都。飛芻親粟之權。付之大漕。孰堪守刺之隆。委我有侍從之舊臣。其官素賦。資溫醇。受材明敏。翔翔班路。蓋嘗攬轡登車。慷慨言坡。以至替筆持橐。進退有裕。寵辱不驚。茲予績服之初。界汝起家之命。朕言統府。夙重潛藩。大纛高牙。控上流而鎮守。木牛流馬。護江右之轉輸。匪藉通材。曷共二任。其升華於熱。擬爰申錫於溫。綸選表公卿。朕欲稽漢循吏之故事。令修庭戶。爾其遵唐觀察之宏規。可。彭汝礪。鄱陽集彭次雲。權發遣成都府路計度轉運副使。揚國寶。權發遣陝西運判制。初。其等何以聚人日財。故國計莫敢或緩。苟惟後義先利。則民命或有不堪。惟能均節不失其中。然後公私各得其所。俾免厥任。每難其人。爾等博實不苛。強敏有濟。吏踐中外。今問惟休。惟成都財用之饒。惟陝右兵食之聚。使典漕事。咸曰汝宜。調視盈虛。懲察貪暴。時乃汝職。往單厥心。可。劉俊村集曾

永樂大典卷萬年書

其

穎茂。依前集英殿修撰。知隆興府。兼江西路轉運副使制。朕。概念江鄉。簡求尹漕。頗聞會府。思廣平陽春之未。及列城。願于駿福星之照。運於已試。誰不曰然。其官素。機足以語九流。智足以應萬變。論思禁路。並遊東馬之間。揮塵神臬。不在敬尊之下。頃拂衣而勇去。屬解瑟而載調。深為冀軫之區。適值兵戈之後。蹀血踐數州之境。生聚殲焉。搜粟餉萬竈之屯。本根撥矣。孰可往。楚於凋瘵。爾嘗滄海擁於節度。必推採焚拯溺之心。必體披髮纓冠之義。必獲五善。必寬一分。使落霞孤鶩之觀。復還。而木牛流馬之運。不絕。民有生意。軍無乏興。噫。韋丹之政。立碑難忘於遺愛。魏牟之心。存闕尚告於遠猷。可。何達吉。叙朝散大夫。除利州路轉運判官。兼四川制參制。自蜀有狄難。士大夫避地東南者衆。畿甸鄉國於度外矣。爾由某名解褐。至擁麾持節。蓋登巖之日淺。而仕蜀之時多。中星史議。縮手袖間。朕惟人材實難。詎宜以一青掩德。稍復屬門之跨。付以飛輓之任。制垣初建。就命爾參其軍事。昔人披髮纓冠。以救鄉鄰之闕。爾其投袂而起。叱馭而行。以寬朕西顧之憂。可。何夢然。除中大夫。同知樞密事。兼參知政事制。朕。位置鄉民。圖回國事。遣戍役以衛中國。既叶成道德之威。連英俊以強本朝。遂兼幹鈞樞之柄。誕修播告。昭示倚毗。其官素。材全而德不形。

器博而用無迹。首膺親擢。見謂敢言。故驩兜流共工。壯矣去凶之舉。沮延
齡。叱我府。發於嫉惡之心。為朝廷振頽壞之紀綱。為君上肅陵夷之廉陛。
洎登宥宥。蓋整志勤。屬者水雷潤下而橫流。雷已收聲而海震。遠則四郊
帶甲之士。咸寤之期。近則三州不粒之民。內溝之慮切。誦來歲之詩。有
愧。念發棠之惠未周。必精神折衝。必飢溺由己。惟籌制勝。爰晉貳於本兵。
鼎味主和。其與聞於大政。仍陟文階之峻。以昭寵命之新。眷知愈隆。憂責
亦重。噫。奉明主。建長策。有如王吉所云。為良臣。荷美名。毋負魏公之志。顧
惟賢輔。寧侯訓言。可。劉行簡。荅溪集。四川轉運副使陳遠猷。除石文殿。修
撰張深。除直徽猷閣。並兼陝西路轉運副使。專管熙秦兩路制。初具官
某書殿。延閣寓直之名。所以勸功而懋德。授受之際。朕不敢私。以爾遠猷
智識之明。爾深聲實之茂。增隆寄委。謹用序遷。夫秦蜀之饒。有無和足。非
朕。十稔始還。其舊民物利疚。兩地惟均。爾等所宜知也。轉輸之事。其為朕
并任之。取諸濟而已。尚勉之哉。可。高著。齊徽垣類。素趙汝。捍依舊直。教文
閣。特授淮南轉運判官。兼都督府隨軍轉運制。北邊有興。淮以南。蕭然
耗矣。戎成不遂。飢成不遂。漕引不既。艱乎。爾器姿閎達。政術疏通。昔漕于
畿。繼漕。即省頻年家食。予不汝忘。我任我輩。在今淮浦為急。肆時已試。惟

水樂大典卷萬年書七

十七

領方輸。督府征行。往兼貢送。使事有指。其達爾。驅。林宋偉。特授權荆湖
北路轉運判官。兼都督府江。淮。京。湖。四。川。軍。馬。行。府。隨。軍。轉。運。制。荆。楚。地
控上游。為今風寒要處。漕輸之勞。視昔加倍。漕引之寄。何擇非人。爾術業
敏明。機猷肅括。以儒飾吏。靡政不修。迭入周行。存陪督議。錢穀甲兵之事。
咸以能稱。肆用起家。揮將使指。我任我輩。無敢不供。許應龍。東。洲。集。其。概
除軍器監丞。兼權淮。西。提。刑。兼。都。督。府。隨。軍。轉。運。制。領。內。職。而。攝。外。臺
蓋異渥也。以爾疏通無壅。沉靜有謀。倅貳齊安。協力捍禦。寵以戎監。勾稽
之職。俾紿郡符。復轉為丞。兼持使節。仍飛輓於易粟。以贍給於兵戎。其展
壯猷。以須異擢。可。曹頌茂。直。寶。章。閣。知。隆。興。府。兼。江。西。運。判。制。麾。節
之任。其事俱繁。兼而領之。尤為重寄。以爾望隆喬木。光映。華。性。質。則。溫
乎。其。和。才。具。則。施。無。不。可。出。奏。使。節。州。麾。之。最。入。騰。郎。閣。省。闈。之。榮。難。久
鬱於遠猷。俾再恢於游。特升遠閣。推鎮帥藩。兼司將漕之權。膺展澄清
之志。其思報稱。以俟履遷。兵部員外郎。成都運判。楊履正。除軍器監。兼
四川宣撫判官。成都府路轉運判官制。宣威總四道之權。責專任重。必
立其威。庶相與協贊。以成制勝之功。僕匪宏才。曷膺茲寄。以爾忠烈名。家
熟。知。兵。略。昨。任。綿。守。適。值。擾。攘。應。變。隨。機。卒。安。反。側。領。計。臺。而。奉。幕。府。益

永樂大典

卷一三五〇七

長壯猷肆陞武監之華仍贊元戎之職并謀合贊學侮折衝勉立勳庸以
 寬憂顧 虞賈除直寶章閣知慶州主管安撫司公事兼運判制 慶門
 雷刑勇之衝任分間之寄者其責尤重非才高通變長於綏馭者曷稱其
 職以爾量宏識遠心正氣和見諸歷試之間蔚有可稱之實六轡如組方
 賴咨謀十國為連尤皆鎮撫肆陞遠關兼領漕臺整師以修戎戎給餉不
 絕粮道皆汝所優為者勉圖偉績嗣有異恩 朱鑑依舊將作監丞准西
 制參兼運判制 朕理內御外為官擇人計畫轉輸皆為重寄兼斯二者
 必賴通才以爾人門兼美內外具宜班行綽著於聲稱藩屏復宣於勞績
 載念西淮之境實當要路之衝樞贊制垣幹旋清計米之公濟咸曰汝宜
 以匪丞而兼領之其委任益不輕矣勉圖來效以副予知 參知政事李
 鳴復除知樞密院事兼參知政事制 立政惟人既克勝於重任定位以
 德宜晉總於洪樞漢魏維新師言允穆其官其德全而才鉅識遠而量宏
 中不倚和不流每務愛君而憂國告于內順于外未嘗揚己以取名晉陞
 參預之司益厲忠嘉之節以經綸自任而志安社稷雖聲色不動而勢尊
 朝廷肆陞有容之班兼領疑丞之職仍加多邑併衍真奮噫允武允文已
 足為萬邦之憲善謀善斷豈難折千里之衝其體至懷共圖丕入高著齋

永樂大典卷一三五〇七

六

蕨垣類葉休隆之依舊起復將作監兼知利州兼利州路安撫司公事兼
 運判制 我無良邊陲之臣故使鞭家歲為蜀患民之度劉無幾每一西
 顧朕心惻然爾以材畧自負是使而掌握中權以制西事我師不支虜復
 深入爾志久而未酬眾亦歛望肆用奪情起之晉經仍司監復守益昌
 九帥垣漕引爾志兼之往紆鄉國之難毋復遐邇洪造盤洲集虞允文同
 知樞密院事兼權參知政事制 朕仰承慈訓光紹慶基經武整軍莫重
 本兵之寄移風易俗常懷修政之難時有異材助吾上治其官其學周賈
 變識溫經綸運堂上之奇兵方顯兼資之畧掃舟中之敵國遂成無競之
 功茲陟宥庭仍裨政路已見贊襄之効庸知密勿之長離妻燭千里之陽
 物情難隱柳下奮百世之上時望浸高宜副斗樞併參天輝所賴股肱之
 助無復毫釐之差德眾賢和於朝當法臯夔之迹一相處乎內非周邵之
 權益展英規用隆華問徐謀堃先生集李性傳授端明殿學士簽書樞密
 院事兼參知政事制 初尚書代喉舌風簡在於帝心執政猶股肱爰坐
 躋於宥府兼二台衡之秩併隆書殿之名漢魏甫頒師言允穆其官李性
 傳靖共而正直博厚而疏通世衍斯文祖父兄之並美家擅良史才學識
 之三長為今儒雅之宗有古典刑之懿發膺簡注徧陟高華從容乎記注

之司溫潤乎。頤熙之益澄不清而撓不濁。用則行而舍則藏。嘗自旋於一
 麾已乎。惠於千里。還甘泉之故步。陟司馬之宮班。緬懷去國之餘。每甚見
 賢之渴。茲默調於政。瑟喜來益於朋。維時科瑣之事。載念樞機之寄。
 重夙夜。基命宥密。咨爾相維。朝夕執事。溫恭期于治。俾進陪於政路。仍
 申錫於主腹。意折千里。選衝當使。寒狄人之心。瞻建萬世長策。尤資大玉
 室之勳。勞式克欽。承往求攸濟。可馬碧梧。玩芳集。蒼書樞密院事。姚希得
 除同知兼參政制。朕未有艾。率昭考以繼。猶玉用玉。欽圖舊人而共政。
 晉貳三軍五兵之本。併參一日萬機之繁。乃播繪宮式。彰枋用其官。其德
 全方大望。著顯昂。參惟懼之謀。先帝早加於大用。俾衣冠之侍。冲人尚及
 於從游。悵祀國之悲。摧悼周家之降。割敬保元子克。酬於濟之言。教求皆
 人不負。惟艱之託。迪惟初服。式仰丕成。邊尚宿師。朝方莅政。徹彼桑土。孰
 先事以綢繆。莫于茸蜂。嚙後患之懲。盛宜資賢者。周新化裁。臣人顯哉。必
 嘉謀嘉猷之入告。孺子玉矣。惟立政立事以自今。可洪平齋集。陳一薦。除
 軍器監簿兼准西制置司參議官制。初具官去。暮採以王官兼之。朕親
 政逾年。未嘗輕假人也。爾抱駿拔之材。贊襄規之畫。積勞著矣。今嚴內乘
 外。准右馬要。思得識機。連體者。恭外聞之謀。宜莫如汝。武監有簿。以榮其

宋集大典卷之三十七

九

行朕不得而吝也。繫弱之弓。關鞞之甲。尚稽思古制以告可。准西安撫
 司機宜兼通判。廬州劉子澄。除軍器監簿兼准西安撫司參議官制。初
 共官。其邊聞上介之置。非內地比。中原事機之集。非他時比。故擇材尤謹。
 爾氣稟英邁。論議英發。與聞經畧。西事之機。壽亦既熟矣。班王朝而長莫
 府。厥任逾重。深沈者無踪謀。老成者多遠慮。爾能贊乃牧。圖全而制勝。功
 懋懋賞。朕所不吝也。可許應龍。東潤集。陳一薦。除司農寺丞兼京湖制置
 司參議官制。贊畫制垣。必兼內職。所以重其選也。爾自擬儒科。存更邊
 任典藩。將漕所至。見稱俾晉。丞於大農。仍復參於議幕。隨機應變。爾所素
 明。益展壯猶。以須顯用。高著齋。蘇垣類。崇兵部郎中兼知江州。喬似孫。特
 授直秘閣。江西運判兼都督府參議官制。大江以西。晉為樂土。漕臣有澄
 按之權。無灌輸之責。北邊有興。循名而責實矣。爾材猷浚。明閱歷。滋久。郡
 委三組。善狀升聞。擢領郎潛。仍司州牧。未足以究爾長。選諸所奏。並昇漕
 將兼佐。征謀以望。督府往濟。汎舟之役。益興攬轡之風。叱馭驅之使事。有
 指。朝散郎賜緋魚袋。趙希特。授行軍器監主簿兼京西湖北制置使
 司參議官制。蜀道為虜所剽。荆襄遂為要衝。制閩謹簡。乃僚以自從。匪
 材不以爾材猷亮。茂蔚為麟宗之英。久居上游。佐聞宣勞。以肅給敏。明稱

夷陵底績督府制坦咸用名聞于嘉乃結肆命句稽戎監仍參開謀往沱
爾庸嗣膺明陟黃夢桂行軍器監主簿兼淮西安撫司參議官制歲
在開茂虜騎迭我合肥爾名家子能戮力以佐其長扼虜而奪之氣于城
底績爾實共功肆命爾以句稽武監參典征謀往沱爾庸嗣有顯命鄧
泳試將作監兼都督府參議官制都督府之建事任不輕非謹簡乃儉
罔克有濟爾以儒級發身周游江漢之域習知軍戎情乃者榮而郎潛昇
而聞或來報葦月之政而幕府聚彥招汝來前肆庸命爾以匠監贊畫壽
惟往服厥官以圖來効丁仁行軍器監兼知太平州兼都督行府參議
官制當塗為風寒處以江之北四面受敵不足恃也賢城之託何擇非
人爾學富材贍方為諸生已志事功暨以儒科自奮則身行天下半治法
征謀競為列聞所咨比由郎選佐師往赴淮援人服儒勇督府重開肆命
爾以武監往分左符仍參籌糧米石翦首具有紹興遺烈勉之哉李曾
伯持授尚書兵部員外郎兼江東轉運判官兼都督行府參議官制淮
浦困荒民流而江左以灌輸供億使乎使乎在今非劇寄乎爾以世臣之
家而能深自刻厲博文好修馳驅襄蜀周游江淮甲兵錢穀之事咸所周
知頻年佐師亦惟開命引道于城赴援屢奏膚公肆命郎于武部兼典漕
將仍從督帳參籌馬祗若茲其往將作監丞兼知江州兼督視府參議
官喬似孫特授尚書兵部郎中兼知江州兼都督行府參議官制漢宣
帝以二千石有治理效輒以璽書勉厲增秩賜金公卿闕則選諸所表以
次用之漢史治之盛朕慨慕焉爾以通材偉畧人我受民中國江防其嚴
師律侯度亦既修矣郎于武部仍撫舊封督帳參謀兼得君重選表之命
尚敬共以須承議郎守軍器監丞兼浙西制置使司參議官洪夢炎特
授知大宗正丞兼浙西制置使司參議官制村不周於州為器學不通
於政為藝士而如此可與語經綸矣爾儒猷具美村分風高批難理其顯
有玉績始登汝於右庠爾將以淑後主浙右肇新制闡以爾表出丞武監
佐壽惟則又上功矣肆嘉爾勞進丞瑤籍仍倍謀慎往沱爾庸以歸武
學博士洪夢炎特授守軍器監丞兼兩浙西路制置使司參議官制朕
迪遵紹興成憲命重臣開制闡于浙右兼治旬徐聽擇廷臣自從爾開學
醇明材猷敏邁故府膠庠休有榮開講征謀識時務又莫汝若幕府遵材
以羅致表聞轉丞武監陪謀壽惟盡厥心往從其長劉行簡著溪集揚
應誠落致仕差充提舉京城四壁檢察諸門兼節制軍馬司參議官制
勅大夫年至則告老于朝不以官職之事累馬古之制也至於精爽未衰

忠義內激於國休戚獨能愬然如秦越人之相視哉其官其智識不群親
賢好義廉靖之操有如冰霜服在近班見稱忠謹挂冠神武亦復淹時屬
中都之既寧委近臣而居守眷爾養恬之久起於得謝之餘俾贊軍謀往
固封守衛公雖老尚堪以行馬援據鞍故應矍鑠體朕至意益恢遠圖可劉
復村集李伯玉除淮西運判兼沿江制置司參謀官制 朕前以尚書郎
召汝向用矣而聞臣有謀議之辟宰臣有將輸之批以緩急難易言之則
邊籌急漕務緩錢穀甲兵難簿書則會易然則輟省戶而建計臺駕輜車
而乘檝筆木牛之餉不之興玉麟之畫無遺策在此行矣今正路宏開羣
賢畢集獨倫魁勝流久淹外服爾雖無連茹之心朕寧
免積薪之愧行且歌四牡之詩以勞使臣之來矣可

永樂大典卷之一萬三千五百七

永樂大典卷之一萬三千五百七

五

永樂大典

卷一三五八九

重錄 總校官 侍郎 臣 秦 為 雷

學士 臣 王 大 任

分校官 侍讀 臣 呂 吳

書 寫 儒 士 臣 楊 繼 武

圖 點 監 生 臣 喬 永 華

臣 歐 陽 新